

I
 QUÆSTIO MEDICA,

QUODLIBETARIIS DISPUTATIONIBUS
 manè discutienda in Scholis Medicorum, die
 Jovis vigesimâ secundâ Januarii.

M. CLAUDIO PERRAULT, Doctore
 Medico, Præside.

Minuitne oculorum aciem sanguinis detractio?

I.

NEMO quicquam plùs oculis suis diligit : nullam quoque partem majori curâ Natura fabricata est, munerum omnium quibus corpus fungitur nobilissimò quippe destinatam. Quùm enim rei cujusque præstantissimæ conservatio difficilior esse soleat, quò pluribus opus habet ut sit perfecta, ac propterea morborum longè major numerus reperiatur quibus unus oculus obnoxius est quàm quibus cætera membra; inter tot affectiones tamen non ità multæ sunt à quibus artificis sapientissimæ diligens providentia tutum non reddiderit id quod in oculo præcipuum est; Aciem illam intellige quâ lucis usurâ fruimur, quæ non pars oculi, sed vis ipsa earum partium censenda est, in quarum commodâ constitutione visus acumen consistit. Talis autem constitutio stupendam præ se fert artificis solertiam, non in concinnâ structuræ mirabilis compositione tantùm, sed in eo præsertim positam, quòd illa propriis ferè stet viribus, nec alienis, ut cæteræ, tot egeat adminiculis.

II.

PARTIUM per quas animal obit vitæ suæ munia prout functionum natura diversa est, ita uniuscujusque constitutio, & præsidiorum ratio quibus ad agendum utitur varia esse debet. Siquidem aliæ ad perpetuos motus edendos natæ, aut continuo succorum delectui, præparationi, ac distributioni addictæ jugem postulant sanguinis & spirituum appulsus; adeò ut nisi eorundem copia identidem sufficiatur concidant effectæ,

nec imposita sibi à Naturâ munerâ sustinere valeant. Aliæ contra sic sunt comparatæ, ut tot & tantis hujusce generis auxiliis non indigeant. Sic membranarum ac tunicarum pleræque, sic ossa, cartilaginee, ligamenta propterea videas nervis, venis, & arteriis penè nullis instructas; quemadmodum & oculi humores, quorum tamen nonnulli inter partes animatas eodem jure quo adeps numerari debent. At plures & conspicui sunt in corde, pulmone, ventriculo, & musculis canales per quos non modò materia præbeatur quam in cæterarum partium usus, communi officio confectam subministrant, sed quæ ad ipsa præstanda officia ipsæ copiosâ opus habent tanquam idoneis instrumentis, quæ cum facile atterantur, & pereant, nova subinde suppleri necesse est ex instructissimò penû massæ totius sanguinea depromenda.

I I I.

SENSUUM ministeriis quæ partes inserviunt duorum generum officia præstant: aliæ sensationem ipsam edunt mirâ tenuitate & mobilitate particularum quibus constant, dum delicatam præbent illam teneritudinem quâ rerum objectarum impulsu & ipsæ facile moveri, & rei impellentis motum animanti notum reddere valeant. Aliis, quod magis adhuc mirere, datum est externas injurias vehementiores simul & arcere, & exiguas plerumque ac penè insensibiles sensibilibus motiones non impedire quominus ad sensorium integræ perveniant. In Oculo id muneris adimplent Tunica illius, & Humores quorum substantia lumini pervia nullis aliis patet ambientis incur- sionibus; atque id propter particularum ex quibus illa componitur apprimè similium stipatam eam densitatem quæ illas tamen ab omni motu non prohibeat, sed exiguâ tantùm impulsionem agitari patiatur, & eâ ipsâ quâ rerum superficies, & aer intermedius à lumine leviter percelluntur. Atque in eo tantùm sitam intellige perspicui cujusvis naturam, non verò in cæcis meatibus quos tenuis quaedam materia pervadat, rerum imagines deferens. Ac proinde scito partes illas spirituum copiâ nec indigere, nec eos facile dissipare. Si dubitas adverte etiam in interitu perspicuitatem illam, quam præfertim à spirituum abundantia omnem habere vulgò creduntur, ferè esse superflitam; in languentibus imò & moribundis plerumque visus aciem nihil in minutam, quandò in reliquo toto corpore spirituum penuria cæteræ functiones deficient; & tamen in ingenti lætitiâ oculi.

his præ spirituum copiâ scintillantibus res cerni nihilò meliùs, nec acutiùs. Quid? quòd rara in videndo defatigatio si absit intentio animi defixa, & diuturnior: quia nempe non aliter etiam quàm oculi humores, tunica illius reticularis, quæ immediatim est visionis organum, spiritibus perfusa tenuissimis eos parciùs effundit: quàm nempe partium illarum usus non tam in actione, quàm in otio, & contemplatione videatur esse constitutus.

I V.

QUEMADMODUM oculorum aciem præsertim acuit spirituum tenuitas, humorum, & tunicarum perspicuitas una cum Crystallini humoris situ ac figurâ conveniente, quòrum ope radii nitentes & ut decet, in apicem collecti perveniunt ad extimam tunicæ Reticularis superficiem eximio suo sensu præditam: ita nihil est quod verè dici possit aciem oculorum minuere, nisi quòd naturalem illam constitutionem immutare valet, quales sunt affectus omnes à quibus aut Cornea tunica obtegitur unguè, densatur cicatrice, corrugatur exsiccatione; aut opacatur & concresecit humor Aqueus in suffusione; Crystallinus humor in Glaucofi, arefcit, deprimitur, & tabescit senio; aut nervus Opticus spiritibus redditur impervius obstructione. Nulla enim rerum objectarum perceptio contingere potest si radii aut primo aditu prohibentur, aut admissi aliò detorqueantur, aut rectè tunicam Reticularem illustrantes, destitutam illam reperiunt illâ irradiatione quam à cerebro recipere debet spirituum adminiculo, qui tunicæ particulis interpositi mobilitatem celerrimam illis impertiunt sine quâ tunica ipsa percelli, ac proinde sensationem edere nequit. Ad affectus autem illos quid facere potest sanguinis imminutio? Spiritus fortasse pauciores; at eorum copiâ oculus non indiget: & nemo non intelligit sanguinis abundantiam quæ ipsius corruptelam facillimè infert, omnium ferè esse posse commemoratorum affectuum autorem.

V.

QUALEM CUMQUE sanguinis qui vitæ thesaurus est, effusionem ita horrere dicuntur & ipsæ animantes, ut earum nonnullæ ab aliquâ parte sibi fluentem si viderint statim moriantur. Terror ille non absimiles tragœdias in hominibus qui ratione non utuntur movere solet. Ægrotantium plerisque, ut avaris aurum, sic sanguis vitæ charior est, errore sanè maximo; at Medicorum culpâ majore illi parcitur, dum famam quam af-

4

festant Hæmophoborum apud ⁴populum talium Medicorum
 amantem, hominum saluti, & conscia veritati anteponunt:
 quippe quum nemini medico notum non sit sanguinem vitæ
 functionibus edendis, non magis quam perdendis aptum, detra-
 ctione tutius quam aliâ quavis ratione, si corrumpitur, emen-
 dari: tum ab illius quantitate supra modum quam infra confi-
 stente plus impendere periculi; & difficilius opus Naturæ im-
 poni sanguinis noxas castiganti, quam si utcumque deficiat; quia
 tunc habet hostiliter repugnantem: tantum abest ut ab ejulce-
 modi copiis quicquam auxilii sumere possit adversus morbos
 præsertim internos, quorum vix ullum reperias citrà aliquod
 sanguinis vitium. Qui hæc ignorant medicantes etsi meliori fide
 delirant quam cæteri, nihilo tamen plectuntur minus ægrotan-
 tes: ut omninò qui sibi cavent, & aliquid pejus venæ sectione
 oderunt & fugiunt, præsertim reformidaturi sint Medicum il-
 lius nimis metuentem. Quis enim sortem cujusvis morbi, quæ
 ferè semper in istius præsidii prudenti administratione sita est,
 ei committet qui omni illius usu, & experientiâ carens, quanta
 habeat ad salutem, aut ad perniciem momenta neque novit ne-
 que curat addiscere? Qui Hydropem, Tabem, Cæcitatem,
 morbos nempe maximis aliis affectibus supervenientes, & ab iis
 natos, venæ sectioni imputat, per quam iidem ipsi nonnunquam
 sanantur. Qui denique non expertus est visus aciem, non rarò,
 sanguine minutis acui, eo turgentibus hebescere; quia plerum-
 que de spirituum copiâ per sanguinis detractionem aliquid de-
 mere, si forsan id præstat, non tanti refert, quam ipsorum vim
 & efficaciam augere illâ ipsâ detractione, cujus ope eorundem
 materia subtilior reddita, tenuiores adhuc illos, & eo nomine
 ad videndum accommodatiores efficit.

Ergo non minuit oculorum aciem sanguinis detractio.

Domini Doctores disputaturi.

M. Claudius Quiquehus.

M. Joannes Boudin.

M. Carolus Patin.

M. Joannes-Michael Garbe.

M. Gujdo-Erasmus Emmerez.

M. Claudius Quarrier.

M. Bertius-Simon Dieuxivoje.

M. Michael de Hodencq.

M. Michael de la Vigne.

Proponebat Lutetiæ PETRUS MARAIS, Parisinus,
 Baccalaureus Medicus. A. R. S. H. 1688.